

Nuna tamakkerlugu silaannakut angallannikuttu kiffartuusinnermut isumaqatigiissut qanoq ataqatigiissaarnerusumik unammilleqatigiinnerusumillu ilusilersorneqarsinnaanera pillugu apeqquteqaat aallaavigalugu oqallisissiatut siunnersuut.

(Inatsisartunut ilaasortaq Bentiarq Ottosen, Atassut)

Akissuteqaat

(Ineqarnermut Attaveqaasersuutinullu Naalackersuisoq)

Siullermeerneqarnera

Naalackersuisut sinnerlugit Inatsisartunut ilaasortaq, Bentiarq Ottosen, Atassut, siunissami kiffartuusinnermut isumaqatigiissutit aamma timmisartunut attaveqaasersuutit qanoq aaqjissuunneqarnissaat pillugu apeqquteqaat aallaavigalugu oqallinnissamut siunnersuutaanut matumunnga qutsavigerusuppara, tamannami nunatsinni ataqatigiissitsilluarnissatsinnut aalajangiisuulluinnartumik pingaaruteqarpoq.

Nunarsuarmi unammillersinnaassuseqarnerulernissatsinnut nunatta avatangiisitsinnut atassuteqarnerunissaa pillugu siunnersuuteqartup isiginnittaaseqarneri Naalackersuisunit isumaqatigaarput. Nunanit allaneersunik takornariartitsisarneq pillugu killiffinnut nalunaarusiamik VisitGreenland 2023-mi saqqummersitsivoq, tassani aalajangerneqarpoq takornariartitsineq siuariartortut, aammalu nunatta aningaasaqarnerani annertuumik ilaasoq. Taamaattoq nunatsinni innuttaasut nunatta iluani nuttarsinnaassuseqarnissaannik qulakkeerinnissaq Naalackersuisunit pingaarnerpaatipparput.

Avatangiisitsinniittunut attaveqarnerulernissap kissaatigineqarneranut tunngatillugu, Nuummi nunanit tamalaanit mittarfiup ammarneqarnera aammalu Ilulissani mittarfittaassap siunissami ammarnissaa, attaveqaasersuutini anguniakkat ilaattut, tamatuminnga ajornarunnaarsitsissatut, isigineqarsinnaapput. Nutaanik mittarfittaarnermi nunarsuarmut nutaanik attaveqartoqarsinnaalertussaavoq. Mittarfittaassanut taakkununga tunngatillugu suliassaq taamatuttaaq tassaavoq, siuariartornerup nunarput tamakkerlugu iluaqutaanissaa. Taamaattumik aamma nunarput tamakkerlugu ilaasut angallanneqartarnissaat tamavinnut aamma suliassaavoq.

Kiffartuusinnermut isumaqatigiissutit sumiiffinnut pisortat akuutinneqanngippata naammaginnartumik suliassamik kivitsiffiusinnaanngitsunut, tunniunneqartarput. Tassa imaappoq, taamaanngippat angallannermi periarfissaqartussaannikkaluarluni, taamaanngippat akigititaq pissutaalluni amerlasuut angalasinnaassanngikkaluarlutik, taamaanngippat akulikissusaa akuersaarneqarsinnaanngitsumik akuttusuujussagaluarluni aammalu taamaanngippat angallannerup ilusaata ataqatigiinnera pitsaanngitsuussagaluarluni.

Nunatsinni takornariartitsisarnerup annertusinerani aamma kiffartuussinissamut isumaqatigiissuteqarfiusartuni angallavitsinni akigititat aaqqissuussaanerisa qiviarnissaat piffissanngorsimasussaavoq. Tassami takornariat najukkaneersutuulli annertussusilinnik akiliisarnissaat naapertuilluarpa, imaluunniit najukkaneersunut akikillisaanissat qulakkiissavagut, taamaalilluni takornariat akiliinerusalissallutik? Taamaattumik aamma Air Greenlandip timmisartuutileqatigiiffinnut allanut unammillertinnissaa maani aamma aporfeqartussaavoq, pissutigalugu nunatsinni taakkua nunatta iluani ilaasunik angallassisarsinnaanissaat pinngitsoorneqarsinnaanngimmat. Tamanna Inatsisartuni partiit ullumikkut oqallisigigaat tusassallugu aamma neriuutigaara.

Nunatta iluani nuttarsinnaassuseqarneq pineqartillugu, pingaartumillu kiffartuussinissamut isumaqatigiissutit, siunnersuuteqartup aningaasaqarnikkut aningaasaliivigineqarnerunissaat kissaatigimmagu, Naalakkersuisunit nunatta ilaanut 2025-p ingerlanerani kiffartuussinissamut isumaqatigiissutit isumaqatiginninniutigisussanngussavaat.

Attaveqaasersuutit pillugit isumasioqatigiissitseqqammerpunga, tassani inuussutissarsiortut kommunillu siunissami angallassinissamut periarfissat qanoq aaqqissuunneqarsinnaanerit, ilanngullugulu immikkut aamma kiffartuussinissamut isumaqatigiissutit, pillugit pilersitsiviulluurtumik oqaloqatigalutigu.

Taamatut aallarniutaasunik oqaaseqarlunga pilersitsiviulluurtumik oqallittoqarnissaa kissaatigaara.